

مكة عبد الوضيا

۱۷ نجی سنه

ربیع الآخر ۱۳۱۴

جزء ۶۰ : عدد

جغرافیا و ہیئتک صورت تعلیمی (حقنہ روصونک رأی)

انسانک قوای متنوعه سنی بر سوق و میل تحریک ایدر . مستعدنما اولان وجودک فاعلیتی مقامنه هوس تعلیمه بولنان ذهنک فاعلیتی قائم اولور . اول امرده چوجقار بر یرده طوروب اوطوره مزملر ، دائما حرکت ایدرلر ، صکره متجسس و مراقبلی اولورلر . و بو مراقب گوزل اداره اولنورسه عهد مراققه نك قوه محرکه سی اولور . دائما طبیعتدن کلان میللر ایله تصوژدن کلانلری فرق ایدلم . علمه بر شوق واردرکه ، هرکس بگا عالم دیسون آرزوسندن طوغار . بر دیگر شوق دخی اولدرکه ، قریب و بعید انسانک فائده مند اوله جنی هر نسنه اوزرینه انسانده طبیعی اولان بر مراقدن طوغار . انسان ایله برابر تولد ایدن خوش حال اولمق آرزوسی و آتی ارضاده اولان امتناع ، آکا وصول ایچون دائما یکی وسیله لر آرتدیرر . مراقبک برنجی اساسی بودرکه قلب انسانده طبیعی در . لکن ازدیاد و توسعی بزم هوالرمزک و معلوما تمزک نسبتجه در .

بر فیلسوف تصوژ ایدک که کتابلریله ، آثاریلره برابر ایصسز بر آطیه نفی اولنمش و آرتق بقیه عمرنی اوراده تک و تنها اصرار ایده جگنه دخی کندنجه جزم و یقین حاصل اولمشدر . او فیلسوف بوندن صکره اصول هیئت عالمی ، قوه جاذبه قانونلرینی و جبر حسابلرینی اصلا قید ایتمز . بلکه مدت عمرنده هیچ بر کتابی آچمز . لکن آطه نه قدر بیوک اولورسه اولسون هر قیستی ، بوجاغنی گرمین

طوره مر . اوله ایسه ذوق انسان ایچون طبیعی اولمیان علومى دخى بزم ایلک تحصیلاتمزدن طرح ایدلم . وشو علم ایله قانع اولهلمکه، میل طبیعی بزی آنک تجسسینه سوق ایدر .

نوع انسانک جزیره سی روی ارضدر . نظر مرزه الک زیاده چاربان شی دخى کونشدر . بز کندیمزدن تباعد ایتمکه باشلار باشلامز برنجی نظر امعائز ارض ایله شمس اوزرینه تعلق ایتملیدر . همده بیانی جمله اقوام وحشییه نک علم حکمتی ارضک تقسیم موهومیه شمسک الوهیتی اوزرینه متدأردر .

بلکه بگا دینله جک که بونه آرقوریلق ! دها دمنجک ، فقط بزه طوقان و بلا واسطه بزی محیط اولان شیلرله مشغول اولیوردق . درحال شمعدیده ایشته کره ارضی طولاشوب منتهای عوالمه صجراورز :

اوت ! بو آرقوریلق بزم قوتلرمزک تزایدندن وذهنمزک میلانندن نشأت ایدر . عجز وکفایتسزک حالنده ایکن محافظه نفس داعیه سی بزی نفسمزده طوبلار . لکن قوت و اقتدار حالنده کندیمزی واسع وشامل قیلق آرزوسی بزی بزدن ایلرو کوتوروب ممکن اولدینی قدر اوزاغه صچرادر . لکن مادام که عالم عقلی (بوسنمزده) هنوز بزه مجهولدر ؛ بزم ذهنمز کوزلرمزدن ایلرو کتمز . وبزم ادراکمز آنجق ذهنمزک تقدیر ایتدیگی مسافیه قدر کیده بیلور .

شاگردکرتک نظرنی طبیعتک غریبه لری اوزرینه جلب ایدک ! فی الحال آنی متجسس ایدرسکرت . لکن آنک مراقبی ایوجه بسنک ایچون ارضاسنه مسارعت ایتمک ! مسئله لری آنک ادراک ایدمجهگی رادیه قویک، حل ایتمکی آرتق آسکا براقک . سزک آسکا سولکرتز ایله هیچ برشی بیلسون . بلکه کندیمی آکلایه رق بیلسون . علمی تحصیل ایتمسون ایجاد ایتمسون . اگر شاید آنک ذهنده حکومتی تمیز وحا که مقامنه قائم ایدمجهک اولورسه کرت آرتق چوجق محاکمه ایتمز وبعدازین سائرلرک افکارینه ملعبه اولور .

چوجقه جغرافیا اوکرتک استرسکرت و آسکا کره لر، دأره لر، خریطه لر آرامغه کیدرسکرت . بونه قدر آلات وادوات ! بوکوسترشلر نه ایچوندن ؟ آسکا اوشینک

کندینی کوسستمکله نېچون باشلامزسکز . تاکه چوجق سويلديگنر سوزک نه اوزرينه اولديغی بيلسون .

برگوزل اقشام وقتی مناسب بر محله کرمگه کيديلور . افق غایت آجیق اولمقله اورادن کونشک غروبى تماميله سير اولنور؛ وغروب ايتديگی محله کی شيلره دخى لايقيه دقت اولنغه مساعد اولور . ايرتسى صبا هوا آلمق ايچون کونش طوغمزدن اقل ينه او محله کيديلور . کونشک طوغمزدن اقل نشر ايتديگی سهام آتشنناک ايله ده اوزاقدن کندینی خبر ويرديگی تماشا اولنور . يانغين گتدکجه آرتار . مشرق بستان علو ايچنده کورينور . آنلرک ضياى ايله ظهورندن چوق زمان اقل اختر تابداره انتظار ايديلور . هرثانيه همان ظاهر اولور ظن اولنور؛ نهايت ظهور ايدر . بيلدرم لمعه سى گبی بر بارلاق اوج کورينور . ودرحال بتون جو سمانى قابلار . پرده ظلمات صيريلوب قالفار . انسان مسکنی او وقت طانور و مزین بولور . فرش زمردین چمن که ، کجھلين کسب قوت تازه ايتمشیدی . آکا ضيا بخش اولان نهار نوزاد و آنى تذهيب ایدن ابتدای اشعه تابدار ايله فروغ والوانی عکس انداز نظر ايدر بر شبيکه نورانی شبنم ايچننده کورينور . مرغان چمنزار يک زبان آهنگ تغنيات ايله اول مصدر حياتی سلاملاز . بوچينده هيچ بريسی سکوت ايتمز . آنلرک جولديسی نرم ايسده بقیه نهاده کی آواز لرندن ده آخر ، ده طاتليدر . گویاکه هنوز طاتلی بر اويقودن اويانش ضعفی حس ايدر گبی در . بو تماشا لرک بر يردہ کورلمی حواس انسانه اويله بر تأثير طراوت احساس ايدر که ، گویا روحه قدر ايشلر کچر . اوراده يارم ساعت قدر بر سحر وشعبده واردر که هيچ برانسان آکا مقاومت ايدمهز . اويله بيوک ، اويله کوزل ، اويله بر تماشا اولور که ، هيچ بر شخصی تاثيرسز بر اقمز .

چوجغک لالاسی بو تماشادن حاصل ايتديگی وجد وحالی شاگردينه دخى القا واحساس ايتک وکندينک متأثر اولدينی حال اوزرينه چوجغک نظرنی جلب ايله آکاده آنی وبرمک استر . صرف حماقت ! طبيعتک تماشاينده کی روح انسانک قلبنده در . آنی کورمک طويغه توقف ايدر . چوجق واقعا اشياني کورر ؛ لکن

آنلری یکدیگرینہ ربط ایدن روابط و علائقی کورمز . آنلرک جمعیتلہ نغمہ ساز اولدقلری آہنگی ایشیدہ مز . بو حسیاتک اجتماعدن حاصل اولان تاثیر طویق ایچون بر تجربہ لازمدرکہ ، چوقق ہنوز آنی قزانامش ، و بر طویفی استرکہ حالا آنی طوینامشدر . مادامکہ بر جوق زمانلر قوری اوولردہ طولاشمامش و قزغین قوملر آیاقلرینی یاقامش و گونشک حرارتیلہ قیزمش قیالرک انعکاسندن اضطراب چکمامشدر . آرتق چوقق گوزل بر سحر وقتندہ اسن باد صبادن فصل متلدذ اولور ، ازہارک روایح لطیفہ سی و چنزارک طراوتی و شبنمک بخار نمناکی و چن اوزرندہ حس اولنان نرمی و حلاوت آنی فصل مسحور ایدہ بیلور ؟ مادامکہ عشق و ہوانک لسان تاثیر ہنوز آکا مجہولدر ، آغازہ مرغان سحر آکا فصل صفا بخش اولور ؟ مادامکہ آنک قوہ خیالیہ سی بوکی احوالہ تصویر ایدیلان صور دلپذیری ہنوز نقش ایدہ مز ، بویلہ بر صباح دلارامک طلوعنی نہ وجود و ہیجان ایلہ گورہ بیلور ؟ والحاصل مادامکہ آنی تزیین ایدن دست قدرتی ییلز ، طبیعتک تماشا سندہ کی لطافتدن نہ تأثیر بولہ بیلور ؟

چوجفہ آکلامیہ جنفی اوزون نطقلر سويلیک ! تعریضات ، بلاغت ، مجاز و کنایات ، اشعار ہیچ لازم دکل ، شمعی مسئلہ حس و تلذذدہ دکلدر . دلما واضع و سادہ و بارد اولقدہ دوام ایدک . تحویل لسان ایدہ جک زمان بک یقیندہ گلہ جکدر . چوقق بزم قواعدمز اوزرہ بیومش و کندینہ لازم اولان آلانی کندیندن چیقارمغہ و کندینک کفایتسزلکنفی آکلامدقہ آخرہ مراجعت ایتمامکہ آلتشمش اولدیغندن ، یکی گوردیکی ہر شیئہ سکوت و بر خیلی زمان نظر امعان ایلہ باقوب تفکر ایدر . متفکر اولور ، سائل اولز . ایدمی ہر شیئہ آکا صرہ سندہ ، وقتندہ کوسترمکملہ اکتفا ایدک . آنک مراقی صکرہ کفایت مرتبہ مشغول اولدیغنی گوردیگکر زمان کندینہ مختصر بر قاج سوال سورک و اق صورتلہ سورک کہ ، طریق حل و جوابہ آنی دلالت ایلہ .

شو صرہدہ آنکملہ برابر طلوع آفتابی تماشا و طلوع جہتندہ کی طاغلر و سائر متجاور شیلر اوزرینہ آنک نظر دقتی جلب ایتدکن و آکا دائرہ استدیگی قدر

سویکه مساعده و بردکن صکره متفکرانه بر مدت سکوت اوزره طورک
و صکره آکا خطاب ایله : - دوشنیورمه ، گونش دون شورادن باتمش ایدی .
بو صباح شورادن طوغدی . بو فصل اولیور ؟ - دییک . بونک اوزرینه آرتق
برکله دها علاوه ایتمک . اگر چوجق صورارسه جواب ویرمیک . بشقه بر سوزه
بولشدرک . آنی کندینه براقک . و مجزومکز اولسون که آنی دوشونه جکدر .

چوجق وقته آلمشق و بر حقیقت محسوسه آنک نظرنی جلب ایتمک ایچون
اقتضا ایدرکه ، او حقیقت کشف اولتمزدن اول بر قاچ گون آکا اضطراب ویره .
اگر بو صورتله آنی آکلایه من ایسه آنی دها زیاده محسوس قیلدنک چاره سی
واردر . اوده مسئلهنی چویرمکدر . اگر شمسک مغربدن مشرقه فصل کلدیگنی
بیله من ایسه باری مشرقدن مغربه فصل کلدیگنی بیلور . بونی آکا گوزلری
اوکره دیر . ایددی برنجی مسئلهنی ایکنجی ایله ایضاح ایدک . آرتق سزک شاگر -
دکز بسبتون بر غبی اولمیدرکه ، بویله آجیق بر قیاسی ادراک ایده مسون . ایشته
آنک علم هیئتدن برنجی درسی .

مادامکه بز تدریجیه فکر محسوسی دائماً فکر محسوس ایله قولانیورز . بر
دیگرینه کچمزدن اول خیلی زمان بریله الفت ایدم . و شاگردمزی دقنی ایتمکه
اصلاً زور ایتمیسم . بو برنجی درس ایله شمسک سیراتی و اراضک شکانی بونک
آرهمی خیلی اوزاقدر . لکن اجرام علویه نك حرکات ظاهریه لری بر اساس اوزره
اولدینی و برنجی نظر امعان سائر نظرلره سائق اوله جفی جهته گوندز ایله کجهنی
ایوجه آکلامق انقلابات یومیهدن حساب کسوفاته واصل اولمقدن زیاده همت استر ؛
فقط براز زمانه محتاجدر .

مادامکه گونش اراضک اطرافنده طولاشور بر دأره تشکیل ایدر . و هر
دأره نك بر مرکزی واردر . بز بونی ذاتاً بیلورز . بو مرکز جوف ارضده
بولندیغدن گوریه من . لکن روی اراضک اوزرینه اومرکز ایله متناسب ایکی نقطه
مفروضه وضع اولنه بیلور . اشبو اوج نقطه دن برشیش کچوریلوب ایکی یاندن سمایه
قدر تمدید اولنسه کره اراضک و حرکت یومیه شمسک محوری اولور . اوچنک

اوزرنده دونن بر تسبیح دانه سی، محوری اوستنده دور ایدن سمانك منالیدر. بودانه نك
ایکی اوجی ایکی قطبدر. چوچق آنلرك برینی گورمكدن بك حفظ ایده جكدر.
بن آتی دَب اصغر ك قویرغنده گوستیرم. ایشته بر کجه اکلنجه سی. یواش یواش
اجرام سماویه ایله الفت حاصل ایدیلور. و بوندن کواكب ثابتینی طانیق، برجلره
دقت ایتمك تولد ایدر.

بز طلوع شمسی مایسك آلتنجی کونی سیر ایتمش ایدك. کانون ناینك یگرمی
بشنده، یاخود سائر برقیش گوننده ینه گیدر سیر ایدرز. زیرا معلومدرکه بز
تنبل دکلز. و صغوغه قارشو قومق بزه بر نوع اکلنجهدر. بن بو ایکنجی رؤیتك
دخی اولکی محلدن اولسنه سعی ایدرم. و بعض اوسته لقلرله نظر دقت حاضر لشمش
اولقله، ایکنز بردن ۱ وای وای! نه تحف! گونش اولکی بردن طوغمبور! بزم
اسکی نشانلرمز بوراده. گونش ایسه شمعی شورادن طوغدی. ۱ دیهرک باغررز.
ایشته ای کنج لالا! تمام یوله گیردکز. ارضی ارض، گونشی گونش اوله رق طانیوب
کره عالمی غایت آچیق صورتده تعلم ایچون شو مثاللر سزه کافیدر.

علی العموم هیچ بر نسنه نك وجودی یرینه اشارت وایجابی قائم ایتمك! مگرکه
او نسنه یی گوسترمك سزه ممکن اولیه. زیرا اشارت چوچقك و قنی جذب ایدرك.
گوستریله جك اصل نسنه یی اوستدیرر.

چنبرلی کره، بگا فسا تنظیم اولشمش و حسن تناسب اوزره یا بلامش بر آلت
گورینور. او چنبرلرك قاریشقلنی اوزرینه ترسیم ایستکاری اشکال عجیه کره یی
عادتا باقیچی کتابی صورتنه قویوب چوچقلرك ذهننی اورکودر، آنده گوستریلان
ارض غایت کوچك، چنبرلر ایسه غایت بیوک و چوقدر. مثلاً، دوائر متقاطعه
بستون فائده سزدر. هر دائره، کره ارضدن عریضدر. مقوانك قالینلنی آنلره
بر متسانت صورتی ویردک، صحیحاً موجود اجرام مدوره ظن ایتدیرر. و نه زمان
چوچغه بو گوردیگك دائره لر موهومدرلر دیسه کز. نه گوردیگنی بیله مز، آرتق
بر شی آکلماز.

بز کندیمزی چوچقلرك یرینه قویمنی هیچ بیلیز. بز آنلرك افکارینه گیرمیوب

کندی افکارمزی آنلره اگرتی ویریرز . و دئما کندی محاکات عقلیه مزک یشی
صره گیدرک آنلرک باشلرینه طوغریلرک زنجیرلریله برابر برچوق صاحبه شیلر
وسه و خطار طولدیریرز .

تعلیم علومده حل ، یاخود ترکیب یوللرندن هانگیسک انتخابی انساب اوله جفی
اوزرینه منازعه اولنور . هر وقت انتخاب لازم دگلدر . تفحصات علیده بعضاً هم
حل ، همده ترکیب ایتک و چوجق قاعده حل اوزره کیدبورم ظن ایدرکن اصول
تفهیم ایله آتی یدوب کوتورمک ممکندر . بو وجهله هم اوتکی ، هم بریکی قوللانمق ،
ایکیسیده یکدیگرینه مدار استدلال اولورلر . متخالف ایکی نقطه دن بردن قوبوب ،
چوجق او یولده گتدیگندن خبردار اولمق سزین یوللرک ایکیسیده بریره چیقدیغنی
کورنجه شاشوب قالور . و بونک آنسزین وقوعی البته خوشه کیدر .

مثلاً ، بکا قالسه جغرافیای ایکی یولده طوتوب کره نک انقلاباتی تعلیم ایدرکن
جهتلرینک قیاسنی دخی علاوه ایله اسکان اولان موقعدن باشلامق استردم .
چوجق کره ایله اوغراشوب گوکلرده کزر طوررکن آتی ارضک تقسیمه کوتورک
و ابتدای حالنده کندی اقامتگاهنی کوسترک .

آنک جغرافیاسنک ابتدا کی ایکی نقطه سی چوجنک اقامت ایتدیگی شهر و بدیر
ینک صحرا ده کی یازلق کوشکی اولور . صکره آرده کی موقعلر ، صکره جواره ده کی
ایرمقلر ، صکره نظارت شمس و تطبیق جهات گلور . ایشته نقطه جامعده بوراسیدر .
بونلرک هپسنک خریطه لرینی چوجق کندیسی یاپسون . بو خریطه لر غایت ساده در .
اقل امرده فقط ایکی شیدن تشکیل اولمشلردر . صکره آنلرک مسافهلرینی و مو
قعلرینی اولچوب آکلا دقچه یواش یواش علاوه ایدر . ایشته برکلی چوجنک کوز
لرینه اولجه قویه رق ، آکلا نه فائده قزان دیردیغنی شمدی کوریرز .

اگرچه بو بویله ایسه ده شبهه یوق که ، آکلا برازده دلالت ایتک لازمدر .
لکن بک جزوی و ایدرکی کورنمک سزین ایتلیدر . اگر خطا ایدرسه حاله
براقک ! آنک خطالری سز تصحیح ایتک . تا کندیسی او خطالری آکلا به جق
حاله گلوب دوزلدنجه قیه قدر سکوت وانتظار ایدک . یاخود بک یاپسه کز بر

مناسب فرصت دوشنبه او خطالردن کندیسنی آگاه ایده جک بعض عملیاتده بولنک . قالدیکه چوجغه کوره ایش مملکتک اوصاف واحوالنی طوس طوغری بیلوب بیلامکده دکلدر . بلکه آنلرک یلنک یولنی اوگرنمکده در . مادامکه خریطه لرک گوستردکلری شیرلی آکلار . وخریطه لری یابان فن اوزرینه پرؤزسنر بر فکری اولور . آرتق چوجغک قفاسنده خریطه لر اولمش یا اولامش اوراسی پک قید اولغز . ایشته شمیدن کوربورسگزکه ، سزک شاگردکرتک علیه بنمکینک جهلی ییننده نه قدر فرق وار ! واقعا ایکسیده خریطه لری بیلیورلر . لکن بنمکی آنلری یابیور . ایشته آنک اوطه سی ایچون برطاقم دها یلکی تزیینات .

دائما خاطرگژده اولسونکه ، بنم اصولک روحی چوجغه چوق شیر اوگرتمک دکلدر . بلکه آنک ییننه طوغری و پرؤزسنر افکاردن بشقه سنک دخولنی منع ایتمکدر . مادامکه خطاده بولغز ، هیچ برشی یلمسده وظیفهم دکلدر . و آنک قفاسنه طوغریلری صوققدن مقصدم آنلرک یرینه اوگرنه جکی اگریلردن آنی وقایه ایتمکدر . عقل وتمیز آغر گلورلر . افکار فاسده کومه ایله قوشارلر . آنی آنلردن محافظه لازمدر . لکن سز علمه باقه جق اولورسه گز اوبر دریادر . عمقی ، ساحلی یوقدر . قایارله مملودر . آندن اصلا چیقهمزسگز . نه زمان که معلومات عشقیله مبتلا بر آدمی آنلرک جاذبه لرینه قاپیلوب برندن اوته کینه قوشار کوررسهم ، ظن ایدرم که ساحل دریاده برچوجق کوریرم که ، بوجک قبولری دویشیر . آنلری طوپلایوب یوکلنمکه باشلار . صکره یگیدن دیگترلرینی کوروب آنلره قوشار . اوته کیلری آتار . تکرار طوپلار . نهایت آنلرک چوقلقندن عاجز قاله رق وهانگیسنی انتخاب ایده جگنی شاشیره رق هبسنی بردن آتار والی بوش عودت ایدر .

اولکی یاشده زمان اوزون ایدی . و آنی سوء استعمال خوفیه کچشدیرمه اوغراشیوردق . بوراده آنک ضدیدر . و نافع اوله جق شیرک جمله سنی اجرابه کافی زمانمز یوقدر . دوشونک که هوای شهوانیلر تقرب ایدیور . و آنلر برکره دق باب ایدنجه ، سزک شاگردکرتک کافه نظر دقتی آنلرک جانبیه معطوف اوله جقدر .

ذهنک بوهنکام آسایشی اوقدر قصیر و اوقدر سریع‌المرور و آنی استعمال ایده‌جک اوقدر لزوملی یرلر واردرکه آنی ، بر مراهقی عالم قیلغه کفایت ایتمک طلب عادتاً دلیلمکدر . اصل ایش آکا تعلیم علوم ایتمکده دگل ، بلکه علومه محبت لذتی و بو لذت ایلروده وسعت بولنجه آنلری اوکرتنک قواعدنی چوجغه ویرمکده در . ایسته هر ابو تربیه‌نک برقاعده اساسیه‌سی بی شک واشتباه بودر .

ایسته چوجنی بر ماده اوزرینه متمادیاً و مصرراً عطف نظر امعان ایتمک یواش یواش آلدیرمق زمانی شمیدر . لکن بوامعان ودقت اجبار ایله اولمبوب دائماً کوکل خوشانی واستگی ایله حصوله کلیلدر . غایت اهتمام اولغیدرکه ، جبر وتضیق چوجنی ازوب یأس وفورته تیجه ویرمسون . ایمدی بونک اوزرینه چشم بصیرتکز دائماً کشاده بولنسون . وهرنه اولورسه اولسون چوجنی یقمزدن اول ترک ایدک ، زیرا آنک اوکرنسی ، کوکلی استیهرک هیچ برشی یایاماسندن زیاده مهم دکلدر .

اگر چوجق سزه سؤال ایدرسه آنک مراقبی بسلیه‌جک قدر جواب ویرک . ارضا واقناع ایده‌جک قدر دگل . خصوصاً کوردکرمی‌که ، اوکرتنک مقصدیله صورمیوب صاچه صپان سویلور . و مناسبتسز سؤاللره سزی ازعاج ایدیور ، درحال توقف ایدک . زیرا شبهه یوق‌که آرتق چوجق اوشیئی وظیفه ایتمیوب بلکه سؤاللریله سزی قول آلتیه آلمق استیور . آنک سویلدیکی سوزلدن زیاده سویلدن سببه باقلیدر . شو اخطار بو محله قدر پک الزم دگل ایسه‌ده چوجق تمیز و محاکمه به باشلادیغی آنده درجه غایده اهم اولور .

حقایق عمومیه‌نک برزنجیری واردرکه ، کافه علومک اصول وقواعدی بالاشترک آکا مربوط اوله‌رق ، متتابعاً توسع و تزايد ایدرلر . بو زنجیر اسلوب حکمدار . شمیدی بوراده لازم اولان او دکلدر . آندن بشقه برزنجیر ده واردرکه ، آنکله هر شیء منفرد دیگرینی جر ایدر . و متعاقبی گوسترر . بو نظام دواملی بر مراق و اشیا اوزرینه مقتضی اولان دقت ایله بسلندرک هرکسک تابع اولدینی بر نظامدر . غلی‌الخصوص چوجقلره لازمدر .

خریطه مزی ترسیم ایچون جهاته تطبیق ایستدیگمز حالده طول خطاری چیزمک لازم کلدی . صباح ایله اقشامک ظل متساویلری آرمسندده ایکی نقطه مقطعه اون اوچ یاشنده کی بر منجم ایچون پک اعلا بر خط نصف نهاردر . لکن بو طول خطاری بوزیلور . آنلری تکرار یایمق ایچون زمان استر . وبوجهتله دائماً بر محله چالشمغه مجبوریت گلور . بوقدر اهتمام ، بوقدر اضطراب بالاخره چوجنی بیقیدیرر . بز ایسه بونی اولدن کورمش ، چارمسی دها مقدمدن استحضار ایتمش ایدک .

ایشته بن ینه اوزون ودقیق تفصیلاته دوشدم . ای بنی اوقویانلر ! بن سنزک سویلدیگنیزی ایشیدورم و آنلری قید ایتدورم . زیرا بو کتابک الف سیم اولان قطعه سنی سنزک صبرسنزلفنکز اغورینه قربان ایتک استم . بنم تفصیلاتم اوزرینه سنزده ایشکز کلافی یاپک ؛ زیرا بن سنزک شکایتکنز اوزرینه یاپه جفی یایدم .

ژان ژاق روصو

